

吉安府志卷六十

寺觀志

永豐縣寺觀

永寧寺在一都唐貞觀二年戊子僧絕關創宋崇寧間修元廢明洪武間修嘉靖間復廢萬曆十八年以其地爲風雲雷雨等壇

報恩寺在西坊唐天寶間中書侍郎徐安正廬毋侯氏墓以故宅爲寺元廢明洪武二年裔孫建塔寺右宏治八年修郎中傅韶記失載嘉靖間廢萬曆二十一年徐氏子孫重修割田贍僧有碑記詳縣志

按永豐縣志恩江條內載歐孝子寶廬墓與徐安正

吉安府志

卷六十

永豐寺觀

一

廬墓自是兩事漢末佛法初入中國永豐未必遽有僧寺此云徐以故宅爲寺乃唐時建則歐孝子廬墓僧寺傍明係訛舛茲刪正恩江一條併跋於此

石橋寺在縣前元大德間貢士傅躍鯉創建募僧住持尋廢明洪武元年戊申重建永樂間秀峯自樂住持今改六一祠

隱居寺在西坊吳赤烏二年金陵靈谷寺僧紹曇創建精舍宋淳熙二年乙未邑東伍順重建元廢明洪武二年己酉僧可山修天順三年己卯僧惠廣道成等修嘉靖三十三年甲寅改爲祝聖道場崇禎二年己巳僧繼思里人伍愚生修

延慶寺在北坊舊名福田山僧法宣開基水圮元至大間僧惟道重建明洪武二年己酉邑東劉仲謙徙建東坊更今名正統間仲謙孫務道修辛巳邑庠生佐明修宋董德元明宋原端皆有記俱失載

音樂院在二都唐貞觀間僧法亨創宋紹興間僧智寵修元廢明洪武三年庚戌僧應靜重修

小水院在四都宋紹興間僧梅溪創元廢明洪武二年己酉僧克志修

智林院在十八都唐天寶間遇源熊嗣興以祖務本葬院後起建佛殿施山田地贍寺僧明永樂間熊汝益等修袁才院在六都宋咸淳間僧普岑創元廢明洪武五年壬

吉安府志

卷六十

永豐寺觀

二

子僧慈善重建二十四年併永寧叢林

興福寺在一都唐貞觀二年僧紫老建宋咸淳間僧若愚修元廢明洪武間僧如淵修二十四年辛未立爲叢林僧會司正統十一年丙寅修佛殿及閣

北塔寺在三都元至正年間下西坊羅巖叔建明宏治間羅伯端深槐光普體震修

寶福院在八都唐貞觀二年戊子僧法亮建宋乾道間僧普照修元廢明洪武四年僧心田復建

龍回院在十四都舊名再興唐貞觀二年僧半閑建宋紹興間僧先覺修元廢明洪武五年壬子僧慧明復建

慈光院在十六都唐貞觀元年丁亥僧法宣建宋大中祥

符間僧迪吉修元廢明洪武五年壬子僧本興復建張  
映室記 詳縣志

觀音院在六都唐貞觀間僧九海建宋咸淳間僧道峯修  
元廢明洪武三年庚戌僧曙靈修

西巖院在十七都唐貞觀二年戊子僧鶴庭建宋治平間  
僧孤雲修元廢明洪武五年壬子僧月林修正統改元  
僧無盡無量同建寶華院里人劉光祚捐基址

寶惠院在十七都舊名新興唐貞觀二年戊子僧友雲建  
宋景定間僧惠觀修元廢明洪武六年癸丑僧奇峰復  
建

崇福院在十二都舊名三層宋元祐間僧白眉建紹興間  
吉安府志 卷六十 永豐寺觀 三

僧靜隱改今名元廢明洪武五年壬子僧紹貞修

東山院在十六都宋景定間僧繼勛建元大德間僧玉泉  
修尋廢明洪武八年乙卯僧子源修

藥師院在三都唐貞觀二年戊子僧法寧建宋嘉定間修  
元廢明洪武四年辛亥僧惠觀重建內有石塔高數丈  
宣德間僧萬川瑞慶修

廣濟院在二都唐武德元年戊寅蟾塘張宣義建明正統  
間張昭等修

靈山院在三都唐貞觀二年戊子僧法寧建元季兵燬明  
洪武三年庚戌重建

圓果院在三都唐貞觀二年戊子僧法寧建宋淳寧間僧

嘉惠修元廢明洪武五年壬子僧悅初重修

妙樂院在十都唐貞觀二年戊子僧金鈴建元廢明洪武四年辛亥僧直祐修

新堂院在七都唐至德間僧翠巖建元廢明洪武五年壬子僧難用重建

甘古院在九都唐貞觀間僧蜀鑑建元廢明洪武五年壬子僧斷宗重建

菩提院在五都宋紹興二年壬子僧亨公建元廢明洪武元年戊申御史李雪憲暨孫謙重建

利濟院在五都舊名慶平宋咸淳二年丙寅僧雲谷建元至大間僧古雲修尋廢明洪武初僧願聞重建

吉安府志

卷六十

永豐寺觀

四

香巖禪寺在二十都元至大間僧智閑創大德間僧習澄建後廢明洪武十八年乙丑僧茂林重興二十四年辛未立爲叢林

明禪寺在十三都唐貞觀二年戊子僧白眉建宋紹興廢遷於縣東元大德間復舊所明洪武間僧靈源建

郭山院在十三都唐咸通間僧本琛建元大德間僧和師修後廢明洪武五年壬子僧草亭重興

化成院在十九都唐天寶間僧悅閑建宋咸淳間僧不徧修元廢明洪武七年甲寅僧雲峯重建二十四年辛未立爲叢林

塔山院在二十三都唐貞觀二年戊子僧法林建宋建隆

間僧寂師修元廢明洪武六年癸丑僧滿行重建

寶城院在二十一都唐貞觀二年戊子僧松林建宋乾德

間僧古溪修元廢明洪武五年壬子僧士靜修

臨江院在二十四都唐貞觀三年己丑僧志林建元廢明

洪武七年甲寅僧覺來修

閩溪院在十七都唐天寶元年壬午僧悅開建元廢明洪

武八年乙卯僧大安重建

龍山院在二十八都唐天寶二年癸未僧半能建元廢明

洪武五年壬子僧惟心重建

靈泉院在二十五都唐天寶三年甲申僧紹廬建舊名禪

峯山有巖泉歲旱禱雨故改今名元廢明洪武九年丙

吉安府志

卷六十

永豐寺觀

五

辰僧真呆重建

泉院在藤田市唐貞觀二年戊子僧宗勒建宋治平間  
僧法朗修元廢明洪武二年己酉僧隱師同繼田羅氏

重建

石山院在二十七都唐貞觀二年戊子僧法智建宋皇祐

間僧達師修元廢明洪武五年壬子僧碧澗重建

湧泉院在二十九都唐貞觀二年戊子僧維那建元廢明

洪武十年丁巳僧梅溪重建 國朝順治八年辛卯劉

繼舜等修

大塘院在二十八都唐貞觀二年戊子僧宗勒建元廢明

洪武二十年丁卯僧居隱重建

東山院在三十都唐貞觀二年戊子僧維那建元廢明洪武五年壬子僧永濟重建

香城院在三十一都唐貞觀二年戊子僧碧雲建元貞觀僧慧空修元廢明洪武五年壬子僧慈濟重建

石泉院在三十四都唐貞觀間建里人龍孟常捐田膳僧明洪武五年壬子僧碧澗修

薦巖院在三十五都唐貞觀二年戊子僧碧雲建元廢明洪武間僧濟師重建

寶安院在三十六都唐貞觀九年乙未僧無學建元廢明洪武二年己酉僧孟規重建

良山院在二十六都唐貞觀九年乙未建坊上張學諭捐吉安府志

卷六十

永豐寺觀

六

田膳僧元廢明正統間張爾樂等重建

寶雲院在二十七都唐貞觀間僧法銓建元廢明洪武五年壬子僧慧空重建正統間僧發興等修

延禪院在二十七都唐顯慶元年丙辰僧宗勒建元廢明洪武十五年壬戌僧逸隱重建

萬壽院在三十八都舊名元貞菴元延祐間僧宜福建後廢明洪武元年戊申僧碧潭重建

沙湛院在三十九都唐貞觀二年戊子僧隱微建元廢明洪武五年壬子僧荆惠重建

藥師院在四十六都唐貞觀二年戊子僧法通建元廢明洪武五年壬子僧龍池重建正統間僧宏海等修

雙峯院在四十七都唐貞觀二年戊子僧通明建元廢明  
洪武五年壬子僧梅雲重建

嵩山院在四十九都唐貞觀間僧月鑑建明洪武五年壬  
子僧繼祖修

西隱院在四十九都唐貞觀間僧雲友建明洪武五年壬  
子僧惠雲修

桃林院在四十二都宋靖康間僧古照建明洪武五年壬  
子僧延文修

寶福院在四十三都唐天祐三年丙寅僧繼簡建明洪武  
五年壬子僧圓極修

石門院在四十三都唐天祐二年乙丑僧繼簡建明洪武  
吉安府志

卷六十

永豐寺觀

七

五年壬子僧延文修

回福院在五十三都唐貞觀元年丁亥僧隱師建明洪武  
五年壬子僧平湖修

寶林院在五十二都宋咸淳三年丁卯僧隱師建明洪武  
十年丁巳僧妙偉修

妙心院在三十九都元大德二年戊戌僧法偉建明洪武  
年間僧以清修

蓮山院在四十五都元大德二年戊戌僧古泉建  
獅山寺在二十四都 國朝順治三年丙戌僧印白建張

映室記 詳縣志

福禪院在四十一都元大德二年戊戌僧法偉建後僧仁

山修

陸蓮菴在雙溪聶元纘建

螺師菴在一都宋紹興間僧普正建元廢明永樂十九年辛丑道人劉普興里人謝作霖等重建

慈濟菴在五都元至元間道人李景原建明洪武二十八年乙亥道人劉普興里人范天瑞建

白雲堂菴在十一都元至正間僧林濟建

觀音堂在十都車上李孟夔建

清和菴在二十三都宋時建元廢

富華菴在十四都元至正間南坊陳元傑建明萬厯間嗣

孫輔卿修

吉安府志

卷六十

永豐寺觀

八

磨盤菴在恩江中流岸側有亭閣書院歐公祠一峯祠達於學宮上流復有橋跨之

東濟菴在水南又名南明山太常陳慶建

青蓮菴在五都衆建

延祥菴在三十一都唐貞觀二年戊子聶延祥建元廢明初重建明末復廢 國朝順治十八年辛丑僧泉石重建

冲虛觀在一都舊名丹原觀吳赤烏二年道士高宜霄建世傳郭仙煉丹於此

按舊志云唐曹國夫人建改冲虛額宋崇寧間道士楊如重修元廢明洪武九年丙辰道士江漢川修永

樂間道士艾岳仙等修殿閣 國朝順治十八年辛丑道士張國正偕徒崑齡重建

崇元觀在西坊隱居寺左宋淳熙間邑東伍順建元至元間劉冲和修後廢明洪武五年壬子道會鄒暘谷重建元天閣

梅溪觀在三十三都吳赤烏元年道士曾楊菴建宋建隆初張靖虛修明洪武六年癸丑宋守元重建

石口峯觀在十一都舊名南鰲山元大德間道士張玉泉建邑人曾仍甫建真武亭後廢明洪武十九年丙寅張嵩高修李益春捐助

冲道觀在水南初名道安南唐保太二年里士戴鎬禮建吉安府志

卷六十

永豐寺觀

九

紹興二十年庚午改爲冲道元廢明洪武初尹文舉重建

洪都觀在五都龍日華修煉之所舊名白鹿觀宋政和間道士楊均厚修改今額元廢明洪武四年辛亥劉默然重建永樂間道會印方正新玉皇閣

集靈觀在二都葛仙煉丹之所舊名奉仙唐天祐間劉守中修宋皇祐間呂冲霞修元廢明洪武八年乙卯道士劉益真重建

按隋煬帝遣太子讀書於此賜名燭山觀舊志疑是附會古蹟中亦有讀書亭遺址今皆削去附志於後中華山觀在十二都宋至和二年乙未道士聶洞中建元

廢明洪武十年丁巳陳白雲重建

寶慈觀在十八都宋宣和二年庚子鵠山進士張三俊張嗣先建道士鄒若海住持元廢明洪武二年己酉道士高凌霄重建正統間道士張宏惠等修

龍華山觀在二十六都元皇慶二年癸丑道士劉雅辰建至元間陳岫雲修後廢明洪武九年丙辰羅奎章重建泰和觀在二十四都吳赤烏間道士丁宏德建宋建隆間陳悟修元廢明洪武二年己酉黃樓碧重建

佑聖觀在三十八都漢時太守張修道爲神里人曾學益以龍尾園建祐聖堂奉之後道士朱守經劉東海等重修明洪武二十四年辛未立爲叢林

吉安府志

卷六十

永豐寺觀

十

同華山觀在七都宋宣和間道士羅所適建至元間劉守愚修尋廢明洪武間羅開仙重建

西陽宮在二十八都後有文忠公祠宋元以來屢加修理明正統間贊禮郎張道原重修吳澄記

記云文章之傳世雖聖賢之餘事然其盛衰絕續之際實關係乎天地之氣運周秦以前尚矣先漢賈馬二子以來八百餘年而後唐有韓子韓子以來三百餘年而後宋有歐陽子天之生斯人也固不數也以百世之下萬口一辭稱爲文章之宗工尊其文則尊其人尊其人則敬其親苟敬其親也則敬無乎不在而况其墳墓所在乎此予所以不能已於西陽宮之記也西陽宮者何

歐陽子之親之墳墓所託也昔韓子三歲而孤先世墳墓在河陽時或往省歐陽子四歲而孤二親俱葬吉永豐之瀧岡終身不能一至蓋其考崇公官於綿而生子官於秦而遽終妣越國太夫人鄭氏以其子依叔父隨州推官粵一年崇公歸葬於吉葬後還隨歐陽子年二十預隨州貢二十四登進士科歷仕至江北及留中朝年四十六而太夫人喪次年歸祔崇公之兆葬後還頴崇公之葬距越國之葬踰四十年越國之葬距文忠之薨又二十六年六十年間欲如韓子之一省墓而不可得其墳墓之託幸有西陽宮焉宮在永豐沙溪鎮之南舊名西陽觀莫詳何代肇創宋至和乙未道士彭世昌

吉安府志

卷六十

永豐寺觀

十一

起廢掘地得鐘識云唐貞觀三年己丑西陽觀鐘崇公諱觀聲異而字同乃請於朝改觀爲宮宮之後有祠堂合祭崇公父子阡表世次二碑豎於一亭中間祠堂敞里人陳氏新之淳熙丙午誠齋楊先生爲之記其後堂復敝陳氏子孫重葺咸淳丙寅巽齋歐陽先生爲之記莆田萬侯崧卿守吉出錢十萬命邑尉陳元勳修築瀧岡阡之門牆與紹興辛亥艮齋謝先生記其事尤爲該備獨西陽無片文可稽祠堂初記丙午至今一百四十四年矣祠堂續記丙寅至今亦且六十四年矣而宮之道士鞠文質始遣其徒蕭民瞻來請記建宮本末民瞻之言曰宮面山枕溪拱抱明秀金華桃源翼其左龍圖

鳳岡峙其右地之廣袤六畝而縮禮神安衆室屋且完  
宋南渡後道士賜紫者四劉師禹陳宗益彭宗彥曾若  
拙也田之歲入米以斗計三百而贏則宮之可藉以永  
久者田也而予竊有慨焉嘗聞諸禮士之去國止之者  
曰奈何去墳墓也子路去魯顏子俾之哭墓而後行然  
則古人未嘗不以不得守其墳墓爲戚也而唐宋二大  
文人栖栖無所於歸末年就京就穎而家悉不得歸近  
墳墓豈其心之所樂哉今瀧岡之阡歲時展省如其子  
孫者西陽宮道士也據禮之常揆義之正雖若可歎倘  
非歐陽子之文上配韓子如麗天之星斗光於下土與  
天無極而人之尊仰推之以愛敬其親者亦將與天無

吉安府志

卷六十

永豐寺觀

十二

極則亦何以能使其親之得此於人哉夫能使其親之  
得此於人也其不謂之孝子哉夫得謂之孝子也而但  
謂歐陽子爲文人可乎哉噫此予所以不能已於西陽  
宮之記也天歷二年九月甲子

福華山觀在三十九都元至元間道士吳中正建後廢明  
洪武十五年壬戌道士童大定修

安福縣寺觀

尊勝寺在縣治西唐僧慧建明洪武間立爲叢林統院六  
曰崇福曰重興曰南臺曰延福曰白雲曰瓦棺李時勉  
有記 失載

古靈泉寺在縣南僧千月復興年代無攷

古蓮山寺在縣北年代無攷古有嘯月臺石門瀑布  
按昔有破也徹和尚闢地獲古爐巨礫詢父老知爲  
舊刹後成叢林

國清院在縣治東唐建統院九曰大和曰國善曰唐興曰  
福聖曰唐溪曰真寂曰普滿曰淨行曰淨悟

按福聖有唐仙女吳彩鸞種羅漢柏嘗入小室七日  
寫法華珠林經百二十卷一夕不知所在所書經卷  
紙連處至今不絕故又名神仙院 又按縣志統院  
九福聖在所統中而通志以爲國清即福聖舊名則  
實止統院八也又此院以後至寶珠院縣志俱作寺  
今從通志槩作院

吉安府志

卷六十

安福寺觀

十三

靈峯院在縣治南唐僧德建宋楊萬里記失載統院十曰  
招仙曰麻仙曰興崇曰厚逢曰重興曰甘泉曰地藏曰  
石泉曰新興曰南泉

香積院在縣永嘉鄉唐僧端建統院十曰臨河明正德間  
僧光華修曰華巖明宣德間掘得銅鏡銅鈴曰栖真在  
天臺山下曰崇福在寥塘明王學夔記失載曰因果曰  
廣明曰南山曰貝陽曰臨江曰五峯

文江院唐僧順建統院十曰集雲曰行宮曰圖坪曰尊慈  
曰靈壽曰嚴塘曰長慶曰龍果俱不詳年代曰白雲僧  
白雲建曰九龍僧寧州建

按圖坪集雲白雲九龍四菴爲武功山巨刹名人遊

詠甚夥各志俱以文江院統之今文江院亦無可攷  
統院十半不在武功山內姑仍各志以圖坪等庵附  
之另於庵類採武功山志詳圖坪等庵建置詩文又  
箕峰庵尤武功之著者并標識以存勝概

白竺院唐僧文建統院五曰敬仰曰度門曰頂泉曰高臺  
曰定光

富池院唐僧琛建統院八曰寶雲曰樂讀曰廣教曰水南  
曰資臨曰白雲曰梅溪曰月山

明彭日起月山寺詩云雨送微涼入梵宮依稀人在翠  
微中遠隨樵語通蹊徑潛聽笙鳴帶谷風鐘過林端鳥  
欲醒竹搖窻外花初紅更深月轉不知夜松影密移溪

### 吉安府志

#### 卷六十

安福寺觀

十四

水東

保安院宋僧奘建統院九曰待度曰資福唐勅建曰因果  
曰長慶曰陽邱曰南禪曰福田曰永興曰長壽

宋楊萬里待度寺詩云一別重來十五年殘僧半在寺  
依然黃楊當日絕低小已過危簷欲拂天

寶珠院宋僧義建統院八曰嶽興曰百福曰常樂曰東華  
曰廣恩曰寶乘曰石雲曰東山

心菴在縣城東僧煥然建

圓照菴在南城外僧不波建

雪笠菴在南城外顏方伯欲章建僧發光又建講經臺

以上

年代俱  
無攷

圖坪菴在武功山明洪武間史谷蟾建

明張鰲山詩云邃谷羅羣峯長橋卧彩虹沿溪不見日到寺始聞鐘竹戶啼蒼狖潏淵豢白龍土風重禱祀靈蛻仰蟾翁 張程詩云地勝非因武山靈故駐仙塵氛青嶂外樓閣白雲邊圖畫自成象陰晴別有天還聞丹竈火猶是赤烏年

箕峰菴在圖坪上明洪武間史谷蟾建

明陳道詩云月輪天中懸箕峰挿天起涼籟散陰壑流光瀉秋水主人坐前軒道氣寂如洗默默千古懷悠悠誰與語 沈鐘詩云箕峰箕峰何龍從頭翹翅鼓膽氣雄無乃造化刻畫竒且工清秋夜半月明中恍若飛舞

吉安府志

卷六十

安福寺觀

十五

摩蒼穹安得往御列子風憑陵絕頂俯視塵壤猶蟻螻 張程詩云半晴半雨午後天一邱一壑雲邊路採芝處處得靈苗猶把丹書圖太素天風吹下白雲臺珠蕊瑤花足下開爐峰一片白雲生蒼狗變態絕塵埃中有紅日嵌金光恍惚縹緲飛仙之蓬萊箕峰竒絕出雲中呼吸之氣與天通看君白日生羽翰並躡層霄萬里風 張鰲山詩云壑轉青天豁仙人窟宅尊中天逼象緯列宿俯兒孫線引清霄迥絃鳴萬籟喧長空月靜處海日動朝暾

集雲菴在武功山吳赤烏間建題曰小桃源元至元丙子普立修葺更名集雲明李廉記

記云安成以仙名山者有浮山之魏洞陽之黃清化之胡武功之葛皆著於圖經而莫盛於武功或曰大江西南三巨鎮衡廬武功也武功以僻遠不見經傳不得與衡廬並顯然究竟脊脉則實首衡尾廬而屹然高聳雄據荆吳之間謂之三巨鎮亦宜其最尊白鶴峰白鶴仙人所止望之隱隱中天雲雨皆在其下東南則空同諸山西北則長沙之水一髮空際蒼茫無極峯頂有厓崦岬洞嵌可容數百人或窺觸之則震雷隨至巖之下奇石萬狀石牀丹室列莫雜峙乳香靈藥雪竹龍草黃精仙茆居人皆攀援梯繫以入然不可褻蓋龍湫風穴環衛出沒晦明變化在倏忽頃菴址舊曰小桃源前有金

吉安府志

卷六十

安福寺觀

十六

燈檠生成石稍上爲棋盤石又上有元煉丹竈或曰鑪底尚存也後有大小箕峯峯隱約仙翁大士像有石若盤三伏有水則其歲不早側有投籙簡者從之若授受然使得如孫興公蘓子瞻一過從之豈不與天臺羅浮並耶其隸袁者有石笋厓洲崖亦奇勝水西出亦爲瀘下六十里爲秀江云

元賀守約詩云勝日武功山下路碧桃花落澗泉肥道人新構雲邊屋童子猶看劫外棋緱嶺風清笙鶴遠昆池灰盡石龍飛此行欲借薇垣露爲寫重遊壁上詩明鄒守益詩云興來拄方竹獨往不知止童冠相追隨更入碧雲裏峭壁挿天末古木舞烟雨怪籐糾蛇龍爲

問幾甲子疑是洛水前蒼苔掛樹尾俯視山腰白滄海  
渺無埃林影如鰲背出没方壺嶼拍手命元鶴羣真更  
何許石枰凡幾局秦項一逝水小橋轉青灣幽殿閒徙  
倚君看隱霧豹肯作負塗豕 王學夔詩云衝霧尋危  
磴披襟納曙曦轉高山盡小漸濕路還脂葉下無棲鳥  
林深有息龜朗然天際濶誰可此相宜 楊允詩云三  
間蓬草壓頭低四壁新編未着泥昨夜家僮忘閉戶白  
雲直到榻前棲

白雲菴在集雲菴後舊名白法僧白雲建隱之續修更名  
白雲未詳年代

宋白玉蟾詩云宿霧戀喬木落花粘瘦枝鳥聲人靜處

吉安府志

卷六十

安福寺觀

十七

山色雨來時霽月成相約涼風解見知僧房安一枕海  
氣濯冰肌

九龍菴在武功山絕頂距雷巖十五里明嘉靖間僧寧州  
建

明鄒德溥詩云杖到山窮處忽聞祇樹林巖空松月淨  
磴古薜雲深野鶴棲青竹胡僧卧碧岑冥心觀太始靈  
籟夜沉沉

洞淵延真觀在縣北門外晉劉悟真建統觀六曰魏仙冲  
虛曰洞虛曰壽昌曰崇真曰祈仙曰上城

按武功志云宋時有異人自福建來以符藥療民病  
民感其惠立洞淵閣歐陽原功記 失載